

摘藻堂四庫全書薈要

史部

欽定四庫全書薈要

史部

硃批諭旨卷三十中

詳校官編修臣繆晉

欽定四庫全書薈要卷七千九百十七

史部

硃批諭旨卷三十中

硃批石文焯奏摺

雍正二年二月二十二日河南巡撫臣石文焯謹

奏為捧讀

聖訓感愧交深謹據實陳明仰祈

睿鑒事欽奉

皇上硃批諭旨併

發班第奏摺等件到臣叩頭跪讀愧赧無地竊以地方有司庸劣之輩每多藉端向富戶借貸此等惡習難逃

聖鑒

臣屢經嚴禁如有違犯許被害之人赴臣衙門控

告凡遇屬員公謁又誨誨告誡不啻三令五申詎

意臣監臨文闡時乃有河南府屬之鞏縣知縣張

可標巧借祭陵名色又以封櫃為辭膽敢借貸致

起事端而教諭楊倬生挾有私嫌於是從中播弄

迨臣出闡即據陪祭之彰德府知府朱鈞稟知其
事臣隨以不職糾叅立行摘印已奉

旨革職究審治罪其原叅疏內未曾明言其事者蓋恐

此人長糾黨生事之風也教諭楊倬生懷私逞忿臣愚

意姑緩時日

即當咨叅以示懲創今蒙

生事劣衿亦不可寬縱以長刁風

聖訓詳明臣謹銘之肺腑一一凜遵

諭旨而行至朱鈞原係委令前往陪祭適逢其事奉發

審問口供嗣因原呈人等於班第處哀求息結故

未詳報隨將情由據實稟臣情尚可恕但查朱鈞
若別無蕩檢踰閑之處只據此一事即行劾奏似覺太
在彰德府居官亦不過平常供職無甚好處容臣

過

另行查叅臣惟敬體

聖心時加密訪屬員之中一有劣蹟即行嚴叅以為貪
黷之戒臣不肯舍己徇人自詒伊戚凡為人臣分
當實心為

國班第所奏是其不敢隱蔽之忠誠臣益當效法以
報

主知謹披瀝愚悃伏乞

睿鑒謹

奏

諺云說得一丈不如行得一尺

宣聖所以聽言必觀行也積年老吏之習不合封疆重任之體總要規模弘濶志慮精白不屑屑於市恩避怨方為無忝厥職

同日又

奏為據實陳明仰請

聖裁事竊查開歸道兼管通省漕糧驛鹽等務責任綦重臣到任後見陳時夏居心忠厚操守廉潔但不曾歷任外官一切政務多所未諳於採買漕米一事因部價不敷甚畏難憂懼督催兌運每事過於寬厚弁丁遂多藐玩稽延臣謹據實奏

聞仰懇

若有遲悞公事之處據實直參以便明正其罪陳時夏聖裁或將陳時夏補授在京閒散之職其員缺另簡賢

居官

聲名頗好如此並無憑據即行暗調不可

能補授庶要缺得人臂指有助矣同知管祥符縣

事祖承祚

臣

聞其實心辦事是以奏請管理祥符

縣事今查祖承祚每事過於慎重未免失之遲鈍不能理繁治劇臣不敢以先經保奏之員遂為徇隱查許州知州王士俊係奉

旨揀選發來題補之員留心政務辦事勤敏仰懇

聖恩將王士俊以知州調管祥符縣事許州地僻事簡即以祖承祚調管許州知州一轉移間則繁簡適

當矣又尉氏縣知縣馬作肅係山東進士到任未
久臣於文闡見其年非壯盛才亦平庸難膺民社
之寄伏祈

聖恩將馬作肅改補教職實為允當理合一併陳奏伏
乞

睿鑒敕示遵行謹

奏

所請皆具疏題奏

爾省中屬員養廉甚不敷用不肖州縣竟有設法巧取之說當同田文鏡留心察訪嚴行誡飭

聞吳如譯聲名不好廢弛營伍果然否查奏以聞

豫省官塘以及偏僻道路烟墩俱宜整理修葺直隸山東道傍皆遍種樹木此法甚善今歲似已過期可預行通飭備辦俟明春乘時栽植毋悞若不訓戒屬員借此或致擾民生一事又不如省一事也

雍正二年閏四月十三日河南巡撫

臣

石文焯謹

奏為奏

聞事竊查河南全省地方麥已收穫約有十分九分八

分不等農夫野老歡聲遍野共祝

聖壽萬年其收成分數俟各屬報齊另

奏再查河北地方因去年遺下蝗種陸續生發已委

此事

全賴人力勝之稍為急從事或令滋蔓則其害

曷可

勝言耶南汝道佟鎮督同該府縣營汛等官上緊撲打已

滅十之八九間有續發之處現在搜撲務期盡絕

勿使為害又黃河兩岸工程臣加意嚴飭防護俱

獲平穩一切修築事宜臣與嵇曾筠同心協力商酌辨理以求上副

聖懷合併陳明謹

奏

伏汎已過之後方可言得平穩效克奏於勤惠每貽於怠慎之慎之

同日又

奏為據詳陳明仰懇

聖恩事竊查豫省駐防官兵歲需米豆草束各價值例
係一年兩次照時估報所有康熙六十一年十月
起至雍正元年四月底止經前撫臣楊宗義確訪
時價粳米每石一兩八錢粟米一兩七錢黑豆一
兩五錢草每束一分九釐估價具

題部覆行令逐一核減臣於上年四月內到任後復
行確估查原估價值委因連歲收成歉薄各價騰
貴實無浮冒難以核減經臣具疏

題覆又雍正元年五月起至九月底止米豆草束照依時價從減估報亦經具

題在案適因四川成都府駐防官兵應需豆草米折等項銀兩戶部具

題奉

旨諭吏部戶部兵部各省給發駐防官兵米穀草豆等項價值不一除已有定額省分照常給發外其餘未曾定額省分多寡不符理應將本省歷年給發之價

酌處其中畫一定議價值一定便於遵行如遇年豐
價平稍有贏餘於官兵亦屬有益倘歲歉價貴該督
撫據實陳奏朕自加恩欽此隨經部議定河南省粳
米每石一兩五錢粟米一兩二錢豆一兩一錢草
每束一分七釐等因具奏奉

旨依議於雍正元年七月十八日准戶部咨行到臣欽
遵在案所有兩次題估各價值部咨行令俱照中
價折給除雍正元年八九兩月在奉文之後遵照

折中數目動給外其六十一年十月起至雍正元年七月底止俱於未奉文之先早已照依時價採買供支今據布政使田文鏡詳稱此項給過米豆草束若照折中定價報銷勢必追出還項但官兵久已贍養家口餵飼馬匹若問之採買之人又係行戶照時價發買並無浮冒相應請照原估核銷等情臣恭繹

上諭倘歲歛價貴該督撫據實陳奏仰見我

皇上至聖至明愛養官兵之至意是定中價之後設遇
歉收仍准

奏請今元年七月以前所給米豆草束原因歲歉價
昂採買銀數比折中定價計多銀一萬二千餘兩
屢據司詳請照原估核銷臣以事關多給未敢市
恩具

題理合備敘情由繕摺具奏

恩出

聖裁如蒙

皇上俯允將未奉文之先給過米豆草束價值仍照原
估核銷仰懇

敕諭該部查照施行伏乞

睿鑒批示謹

奏

未敢市恩具題是何言歟駐防官兵不止豫省一處國
家糧餉自有定制亦非朕市私恩之物具本聽候部議

雍正二年閏四月二十一日河南巡撫臣石文焯

謹

奏為奏明事竊查開歸道陳時夏操守聲名俱好祇
因才非肆應前赴衛輝辦漕採買兌運事事遲鈍
以致稽延時日是以臣

奏請改補京職今蒙

硃批指示仰見我

皇上恩覆如天明同日月該道在省一切政務臣惟與

既云

事事皆商酌辨理以

理即有遲悞於爾獨無咎乎

當指實

題叅除祖承祚王士俊等遵

聞此人甚好不知確否

旨具本題請外理合

奏明謹

奏

聞臨潁縣林貽熊儀封縣袁珂二人聲名好果否真偽
細訪的確并何處籍貫據實奏聞此非採之輿論因有
人舉薦恐其偏袒故爾諭問汝與田文鏡合詞具奏

又聞鄭州知州高文愷捕蝗不力當確查其盡職與否若不認真辦事即應斟酌以定去留

同日又

奏為凜遵

聖諭次第舉行仰祈

睿鑒事閏四月十三日奉到

皇上硃批諭石文焯田文鏡發來條奏數事雖非地方急切要務然亦不可不料理者爾等商酌徐徐次第

舉行若貪求速效反致有累地方則非朕之意也又

臣
奏摺內蒙

硃批豫省官塘以及偏僻道路烟墩俱宜整理修葺直隸山東道傍皆遍種樹木此法甚善今歲似已過期可預行通飭備辦俟明春乘時栽植毋悞若不訓戒屬員借此或致擾民生一事又不如省一事也欽此
仰見我

皇上睿慮周詳指示明晰臣隨與田文鏡共商整理預

爾前

奏題規等項盡歸司庫

備舉行查各處墩臺

臣

上年

云通

入境

目擊

傾頽

遂通

此費

出自

何所詞不涉虛耶

飭所屬

修葺

完整

并移

兩鎮

撥兵

防守

祇因

防守

之兵

止係

本身

在墩

日間

或就

食村

莊或

暫歸

家

室未能時刻不離汛守臣等商議選有妻室之兵

令其移眷居於墩臺之傍酌量添蓋房屋其需費

公項

正應此等處支用

統於

公用

項下

支應

再豫

省

道

傍

原有

樹木

因連

年歟

收逃

荒人

民將

柳葉

柳皮

盡行

採取

以充口

食樹漸枯槁遂砍伐為薪此亦相因而至之事今

由去

年砍伐方盡耳何云相因而至

食樹

漸枯

槁遂

砍伐

為薪

此亦

相因

而至

之事

今

臣等商酌預備明春舉行必求於事有濟於民無
擾至武陟決口被衝人民我

皇上御極之初即遣官賑濟河北窮黎所有水淹涸出
之地畝已給籽種去秋已慶豐收今年又獲二麥
瘡痍漸起元氣將復又中牟決口被衝人民已遵

特諭確查賑濟均沾實惠是前後復業之民皆已得所

臣等留心查察如仍有失所之民即當設法安輯
災黎得所尚恐未然樂業二字談何容易
務令樂業以上副

皇上愛育元元至意緣奉

特諭事理為此一併陳明謹

奏

不望汝等如禹稷之饑溺存心以副朕愛養元元之意
但能循分盡職安輯本境貧民使不致失業即可無愧
撫綏之任矣

雍正二年閏四月二十八日河南巡撫臣石文焯

謹

奏為恭報二麥收成分數仰祈

睿鑒事竊查河南全省地方二麥均已收穫查懷慶衛
輝南陽三府屬收成皆十分九分不等開封府屬
之杞縣等十六州縣收成十分至八分不等汝寧
彰德二府并汝州屬收成皆九分至七分不等歸
德河南二府及開封府屬之祥符等十八州縣收
成皆八分至五分不等兩河百姓共慶豐收皆荷
我

皇上仁恩廣被感召

天和之所賜也現今麥價每石七錢五分至八錢不等再查各屬所種秋禾俱長發茂盛至河北地方所生蝗蝻據南汝道佟鎮稟報各已撲滅十之八九現在仍行搜捕務使盡絕無遺不致為害合併

奏明伏乞

聖鑒謹

奏

麥秋如此收成殊慰朕懷但捕蝗一事爾河南省甚屬
懈怠屬員藉諉之詞斷不可聽朕將四省情形比較觀
之甚明非如爾等耳目止及於本境一偏之見也此事
全賴撲捕不遺餘力方能盡絕如云十去八九譬之療
病究未除根此乃伏脈以便將來作撲滅已盡又因隣
省飛來等語之張本爾等或可受屬員之欺誑懵然不
覺朕君臨天下若遇欺誑之語亦漫無覺察其如萬幾
何此等陋習洗滌淨盡方好

雍正二年五月初二日河南巡撫臣石文焯謹

奏為恭報甘霖大沛仰慰

聖懷事竊臣查明二麥收成分數已恭摺奏

聞并

進呈麥麴在案民間又當佈種晚穀豆子方在望雨
甚殷於五月初一日甘霖大沛省城四郊均已十
分透足已種之地沾濡優渥未種之地爭事鋤犁
俟各屬報齊另

奏外查河北地方蝗蝻臣飭委南汝道佟鎮躬率印
捕等官實力搜捕并令鄉民撲捉按斗給錢今佟
鎮事畢回省據稟小民圖利每處不下千餘人踴
躍搜索計日掃滅臣猶恐間有遺種復飭該地方
官遍行搜查務期盡滅無遺合併

奏明謹

奏

聞爾省蝗蝻並未捕絕朕前諭何等諄切乃仍作此不

了之語以相搪塞殊屬玩忽歸咎隣省之伎倆朕已道
破想董其役者猶或未之聞耶更嚴飭撲滅淨盡以聞
一查河南河工所需草束甚多俱派各縣辦運
每草一觔開銷正項一釐在各州縣採買價值
以及運送脚費大約秫秸穀草一觔需費三四
釐不等合計每縣一年辦草數次每次不下三
十萬觔除正項外每運約賠五六百金統計一
年約賠數千金承辦州縣先猶那動庫銀再圖

彌補今則正項隨徵隨解火耗亦解補虧空無
項可那不得不按派里民押令辦運此買草之
一累也

一查河工搶險幫堤築壩捲埽在在需人上司
按府分派州縣州縣派之里民約計每邑派夫
八九百名不等貧民在工力作露宿風餐每夫
四名掘土方一塊定價一錢二分除節省外只
給九分六釐計每名每日所得不過二分四釐

一人赴工除起身路費歛筐衣服州縣捐助外
家中日食俱本地協助河工之需夫日衆里下
之派累日深此派夫之一累也

有人奏此一二事覽之不勝駭異朕如此推心置腹任
用爾等凡有累民之舉槩令據實入告而爾等竟若罔
聞政令乖方一至於此朕惟仰天淚下亦無言可諭爾
等也石文焯嵇曾筠田文鏡同看

雍正二年五月十八日河南巡撫臣石文焯謹

奏為恭讀

聖諭據實陳明事五月十一日接到

皇上發來條奏河工夫料二款仰奉

硃批

臣

跪讀之下實切悚惶伏查豫省河工捲埽與護

堤防風全賴秫秸穀草皆需車運民間所用四輪

車止可運八九百觔最多不過千觔故用車甚多

難以覓僱不得不借民力運送相沿已久臣到任

後以運料一事累民適值備料防護秦家廠等處

工程臣即發銀委員就近收買每秣秣百觔照時價給銀二錢民無運送之累及十里店等處漫口分頭堵築需料甚多因秋收豐稔秣秣穀草在在皆有每百觔時價不過一錢外加運費三四分不等委員自行收買毋許派累小民祇因需料數千萬之多附近俱已買完而堵築工程亟須上緊告竣始發價與開歸河懷四府屬之相近州縣辦買濟用即少借民力亦出於萬不得已時值豐收之

際辦買物料源源濟用以是各處漫口得於數月之內相繼堵築完工目下惟歲修搶修需用物料無多當此豐年就近預先收買不須運送更無累民之處至於做工夫役豫省向例皆按地應夫興修大工各縣協濟每夫日給工食外里民尚有幫貼因本省並無應募之人也今加幫兩岸堤工估計土方銀四十九萬有奇沿河各縣皆有堤工每土一方向例定價銀一錢二分除加一節省并行

礮澆水做邊等費外實給銀九分六釐江南每日

未必

二人做土一方每人約得銀五分乃豫省之人習
河南人盡懶江南人盡勤斯言謬矣

懶不肯力作每日三人四人方能做土一方故所

得之價比江南較少若變通其法按夫日給工價

動公

夫役甚衆難以稽查督率勢必乘間偷安以致遲
用之項量增些微使獲免枵腹惠莫大焉

延糜費不得不仍照舊例按方給價此里下所以

有幫貼食用之事也臣已與嵇曾筠田文鏡共商

召募力作之人給以催價但沿河各州縣在在興

修所僱之夫百不及一惟有一面儘力僱募一面
仍用里夫俟漸募漸多則里夫自可漸省矣臣仰
蒙

聖恩委任封疆如果有苦累小民之事臣何敢不據實
入

告恭請

睿裁而甘自蹈隱飾之咎河南地接

畿輔我

皇上日月照臨事無鉅細盡在

聖明洞鑒之中今蒙

硃批嚴切除即與嵇曾筠田文鏡同看外理合據實覆

奏伏祈

聖恩指示謹

奏

朕無可指示全在爾等秉心公忠實力奉行耳毫無影
響讒譖之口斷不能惑朕之聽聞此不足慮也若所言

稍有一二切中實病之處亦非巧詞喋喋所能支吾者
但當返躬自問果無愧衾影即坦然處之若內省稍覺
未慊則應悔過修己汲汲改圖以蓋前愆不然雖暫時
搪塞過去日後發覺將何辭以免倘能以公忠二字自
律屏除私念渾然天理事事皆出於愛國愛民之誠書
曰天聰明自我民聰明則必蒙

上蒼降監神明垂佑又何慮不受知於上不見信於下也
大抵百凡究宜探本尋源不必存枝葉波瀾上做工夫

勉之勉之

同日又

奏為恭謝

天恩事五月十一日臣進摺人回奉到

皇上賞賜太乙紫金錠等藥兼頒服用各方臣恭設香

案望

闕叩頭謝

恩祇領訖

恩賚自天感激無地為此繕摺恭謝

天恩以伸微悃再蒙

聖諭嚴行保甲誠弭盜之良法臣已嚴飭地方官盡心

徧查實力奉行以仰副我

皇上靖盜安民至意豫省得雨情形已於五月初二日

具摺奏

聞嗣據各屬呈報俱各得雨透足秋禾長發甚茂晚穀
豆子俱已種完西成大有可望現在河工亦獲平

穩伏汎將屆臣同嵇曾筠督率廳縣等官加謹修

防又許州知州王士俊操守才具皆好經臣調管

祥符縣事已遵

旨具本上年支過兵米豆草各價亦仰遵

聖諭具題聽候部議理合一併具

奏伏乞

聖鑒謹

奏

所奏諸務已悉惟勤自勛勉毋稍玩愒蝗蝻已盡行撲滅否

同日又

奏為恭繳

硃批據實奏

聞事欽奉

聖諭聞臨潁縣林貽熊儀封縣袁珂二人聲名好果否真偽細訪的確并何處籍貫據實奏聞欽此查林貽

熊係廣東東莞縣舉人居官勤慎聲名亦好袁珂

原聞

係浙江平湖縣籍江南華亭縣人由歲貢教習知縣數政明敏操守聲名皆好鄭州知州高文愷該

州境內從前並無蝗蝻生發據報於五月初六日

有飛蝗落地隨即帶領夫役撲捕等情臣即飛飭

田文鏡

該州上緊搜捕務期盡絕勿使為害至其平日居

此人

官頗知策勵才堪任使並無不認真辦事之處又

雖聞其聲名不好若才具堪用姑且教導令其改

彰德府知府朱鈞容臣與田文鏡即行查叅謹同

過

布政使田文鏡合詞覆

奏伏乞

聖鑒謹

奏

覽

諭石文焯向聞豫省有姦民以白蓮教名色煽惑鄉愚
於汝未任之前朕經面諭汝亦曾奏朕有此教甚密之
語發姦槌伏正爾等分內之事豈可因其密而遂置之

不問一任其潛滋暗長乎嗣後惟宜處處留心時時密訪第不可妄囑屬員致令擾民驚衆魁姦得以訶知消息深藏潛匿反與事無益須不露聲色嚴加伺察少有風聲即權巧設法不惜重賞弋獲首惡必能除其教長方為拔樹尋根之善著庶可永斷葛藤倘若處置失宜反致激出事端則又大不可也密之慎之此諭只可汝與田文鏡知之毋忽

諭石文焯田文鏡聞爾河南省將州縣火耗贏餘一概

盡歸藩庫以補虧空又每千兩解費二十兩名曰平餘
州縣分文不與有官窮民困之論指摘鑿鑿似無可疑
然亦難遽信第不知汝等何故招此物議也果有此事
否明白回奏

雍正二年六月十三日河南巡撫臣石文焯謹
奏為欽奉

上諭事竊查姦民以白蓮教等名色煽惑鄉愚行踪甚
是詭祕而受其誑誘者聽信最堅奉持維謹誠如

聖鑒此等姦民惟在地方官加意密訪好設法緝究臣去

春面承

聖諭銘刻於懷不敢少懈到任之後時時留心訪察惟
候少有洩露即盡力推求殲厥魁姦以除此習但

未便彰明查拏以致不肖官役借端擾民復徧張

告示勸諭鄉愚各安本業毋許聽信姦民鼓惑自

投法網再臣細訪此輩倡惑意在財為啟亂之階騙財因前數年

收成歉薄小民謀生不贍其教亦漸衰息但若輩

極其詭祕誠恐密肆煽誘亦未可定今蒙

諭旨諄切

臣

惟與田文鏡時刻留心密訪緝究以仰副

皇上整齊風俗綏靖人心之德意耳理合恭摺覆

奏伏祈

聖鑒謹

奏

涓涓不塞流為江河所以聖人謹於防微杜漸若不除
之於早其害必致蔓延此事慎毋泛泛視之一者整齊

風俗潔清地方二者抑邪扶正消弭禍患於未形也

同日又

奏為遵

旨回奏事

臣欽奉

硃批諭旨聞爾省將州縣火耗贏餘一槩盡歸藩庫以補虧空又每千兩解費二十兩名曰平餘州縣分文不與有官窮民困之論果有此事否明白回奏欽此

臣查豫省州縣徵收錢糧封櫃委拆火耗解貯司

庫闔省各官分別給以養廉一切公用悉於司庫
支應於正月內具摺奏

聞臣復將各官養廉及公用等數目并分別彌補虧空
之法備細酌議續經具奏是豫省錢糧出納及新
舊虧空各情由盡在

聖鑒之中在官各得養廉在民並無困苦至藩庫收兌
錢糧原有加平二十兩內係巡撫衙門十兩藩司
八兩以及庫書等費自臣

奏明耗羨歸公已將此項革除今奉

上諭每千兩解費二十兩名曰平餘州縣分文不與臣

查各官養廉前蒙

諭旨允准即令布政使田文鏡按季給與已於閏四月
二十一日繕摺覆

奏至平餘之說先據田文鏡曾言州縣拆解錢糧逐
封歸併每千兩有餘出六七兩四五兩不等少則
亦有二三兩飭令州縣解司歸公或平餘之名即

由乎此臣蒙

聖恩至深至厚一毫不敢欺飾理合據實陳明謹

奏

朕豈肯因風聞不確之論即加罪於爾等雖然物必先腐而後蟲生此等浮詞未必無因而至爾等但有則改之無則加勉若謂如此流言不過費數行摺奏即可釋然消滅更加縱情肆志則將來必至於不可挽回也最
哉

同日又

奏為恭繳

硃批仰祈

睿鑒事竊

臣

查豫省入夏以來雨水十分霑足前後播

種秋禾俱極茂盛佇慶豐登伏汎內水勢雖長正

值天氣晴明隨即漸消

臣

同河臣齊蘇勒前赴北

岸查勘現在工程均獲平穩今將屆立秋伏汎可

保無虞臣與嵇曾筠嚴督印河等官上緊防修以

保秋汎從前各處所生蝗蝻俱已捕盡續後間有
發生之處亦皆隨即撲滅臣復嚴飭各屬加意搜
查設有生發之處務期撲捕淨盡毋致為害所有
奉到

硃批理合一併恭繳謹

奏

堤工平穩大慰朕懷六月初間京城四日夜大雨張家
灣一帶水長數丈堤岸幾處潰決朕為豫省拳拳在念

無日不神馳於黃河南北兩岸將半月餘矣仰託

穹蒼垂憫河靈默庇伏汎竟保無虞朕心歡暢筆不能宣
茲秋汎在即更宜預事綢繆竭力防禦再加以忠誠之
心上格

神明祐助今歲得保安全迨秋冬之際相度水勢之趨向
培補堤岸之卑薄謹守三二載正流日漸通暢水由地
中行將來永慶安瀾上可釋朕躬宵旰之憂下可免億
兆昏墊之苦是全賴卿等實心任事服勞盡瘁之力耳

克勤克慎毋怠毋忽將此諭亦令齊蘇勒嵇曾筠知道
聞蝗蝻有接續生發者務必督令滅盡而後已當選委
誠實勤幹之員令其不時巡訪近日山東州縣中竟有
隱匿其事捏報撲盡而禁止百姓聲言有蝗者陳世倌
親身察出已叅奏矣爾屬員之內保無此等不肖下吏
其欺隱之詞不可信以為實而代為受過也再加一番
嚴飭時刻留心勿使少懈

雍正二年六月二十三日河南巡撫臣石文焯謹

奏為奏明事竊豫省士子每恃護符武斷鄉曲挾制

官長動輒倡首脅衆習以成風臣出示嚴切告誡

并於考試教官時面諭約束士子安分毋許多事

乃有封邱縣生員王遜等因知縣唐綏祖以時屆

伏汛工程緊要按照地畝令各社出夫論方給價

遂挺身赴臣衙門具呈求免隨批開封府查詢又

據該縣里民黃持懸等稟稱身等在工縣官按方

給價並無短少特為辯明冤累等情亦發開封府

併查去後五月二十二日王遜等乘唐綏祖赴鄉
捕蝗至晚回縣攔阻不容進城口稱徵收錢糧應
分別儒戶為何與百姓一例完糧一例當差築堤
亦不許用社夫等語臣聞報即委開歸道陳時夏
前往嚴切開示方各退散值學臣按考開郡王遜
等列款赴學臣衙門控告知縣唐綏祖經學臣批
發開歸道查詢王遜等阻抑諸生不許赴考至期
僅有生員二十三名應試又有武生范瑚等竟將

童生冊卷擡去不許應試疊據開封府詳報批行
布按二司嚴提究審間歸道陳時夏因奉學臣
之批詢問王遜等惟稱若要我等赴考必須免了
我們按地出夫叅了唐知縣若是不免夫不叅官
斷斷不考等語似此脅衆罷考挾制官長不法已
極知縣唐綏祖既被控告臣已另疏

題請解任質審惟是臣自愧庸拙不能移風易俗咎
復何辭為此據實奏

聞伏乞

聖鑒謹

奏

地方上遇有此等事出亟宜整飭一番申明國憲但若令爾等審理未免避忌袒護屬員輕蔑士子之嫌反有干礙朕特遣部臣前來嚴加懲創以正惡習於田文鏡前奏已有旨矣

雍正二年七月初五日河南巡撫

臣

石文焯謹

奏為恭請

聖裁事竊查河北三府仰蒙

皇上軫念民生籌畫倉儲

諭臣酌開貢監等例臣隨準照各事例酌議九款每石
按時價連運費約計一兩二錢議定各款收捐穀
數經總理事務王大臣等議覆奉

旨依議欽遵在案於雍正二年二月初九日接准部咨
轉行河北各府縣開捐照數收納穀石查豫省今

歲二麥豐收雨水霑足早穀高糧俱已成熟晚種穀豆亦已秀實陸續登場今年穀價必較上年更減小民完納錢糧全藉糶賣米穀穀賤傷農不得不為籌計現今雖有捐穀事例但願捐者大概皆係富室穀石出自收穫無須糶買臣愚以為豫省

收銀

之說斷然不可東省當日曾為此舉貽害至今不

收捐事例似應改捐銀兩委官採買穀石收貯則

肖州

縣未有不至於侵那虧空者其弊不可勝言此奏

民間所獲得以流通庶不致有穀賤傷農之慮查

甚屬

不合

河北三府原請收捐穀四十六萬石今自開捐以來止收穀四萬三千餘石尚有未捐穀四十一萬餘石臣請仍照原

題欸項穀數每石收銀一兩二錢革除外費令赴布

政司衙門交納出給實收即將此項銀兩照依時

價於原題各府州縣倉委員按數採買收貯不許

那有

許多良吏

扣剋累民不許虛冒肥己如此則民間穀石既得

易銀濟用所有贏餘較每穀一石收費二錢更為

增益悉可留充裨益民生之公用為此奏請

聖裁如蒙

俞允臣即具疏

題改抑臣更有請者河南人情鄙吝利較錙銖查原

題捐納監生係穀一百石每石一兩二錢應納銀
一百二十兩查戶部事例止一百零八兩請照戶
部捐銀一百零八兩則人必爭先捐納矣伏乞

睿鑒敕示遵行謹

奏

如果穀多價賤應按時價增穀收捐題請加穀方為合理設曰為利農起見不過有益富民窮民那得千百石穀出糶此等取巧作用何可施於朕前徒自取辱耳凡百只宜抒誠不宜弄巧老姦巨猾四字不可不避此四字在市井商賈輩運其機智成家立業者或有之要非封疆廟堂大臣之體也朕最惡此習氣將爾所奏併朕諭與田文鏡看

同日又

奏為

天恩高厚感激難名謹具摺奏

謝以伸微悃事竊

臣子石禮哈以庸材鈍質荷蒙

聖主逾格殊恩擢用副將甫及一年涓埃未報復奉

特旨補授貴州威寧鎮總兵官

臣聞

命自天感激無地伏念

臣蒙

皇上委任隆恩自愧才庸識淺未能圖報萬一而

臣子

石禮哈更蒙

聖恩優擢畀以重任誠不知何以效犬馬之報上答

高厚之恩惟有嚴訓

臣

子盡心供職綏輯地方以仰報

天恩耳為此繕摺恭

謝謹

奏

若以資品而論爾子在爾之上石禮哈一派天真爛熳
開心見誠是一個盡已聽命之人不似爾前後左右四

面八方都防範到老於世故之伎倆此子本質可取將
來加一番陶鎔造就朕期其可為國家柱石非比爾苟
祿全身畫地自限止於此而已者若將爾之積年本領
教導他恐反至壞伊天良爾只慶幸自己有何好處育
此佳兒則可若謂爾訓誨出如此後人來朕則不許將
此諭亦與田文鏡看

雍正二年八月二十六日河南巡撫

臣

石文焯謹

奏為恭報秋成分數仰祈

聖鑒事竊臣於六月十三日將豫省雨水霑足秋禾茂盛情形具摺

奏明今各屬已報收穫查彰德衛輝歸德等府屬之
州縣收成俱十分九分不等懷慶河南南陽汝寧
等府屬之州縣收成俱九分八分不等開封府屬
之陳州西華等九州縣收成俱十分九分不等其
餘祥符陳留等二十五州縣收成俱八分七分不
等皆由我

皇上宵衣旰食無刻不以民生為念至誠上格

天心神明默祐之所致也所有各屬收成分數理合奏

聞上慰

聖懷謹

奏

豫省如此豐收閭閻大有起色朕心不勝愉悅今命汝署理浙撫事務沿海災民當加意撫綏以副朕痼瘼之意

雍正二年九月初三日河南巡撫臣石文焯謹

奏為恭謝

天恩仰請

聖訓事臣質本愚拙荷蒙

皇上畀以撫豫重寄寸長未效跼蹐靡寧乃因浙省沿海偶被漲漫

特諭臣馳驛前往署理巡撫印務撫恤災民臣聞

命自天感悚交集自知才識短淺非得仰請

聖訓無所遵循因奉

旨馳驛前往未敢趨叩

闕廷伏懇

實心擔任秉公而行何事不辦慎毋因循退縮反致顧

聖訓指示臣得凜遵奉行以求上副我

此失彼有綆短汲深之慮也勉之

皇上痼瘼民瘼之至意抑臣更有請者浙省杭嘉寧紹

溫台六府皆有沿海州縣道路綿長必得遴委幹

員分頭料理方克有濟惟是臣甫經抵浙屬員才

具一時不能周知查南汝道佟鎮委令捕蝗及查

看墩臺實力辦事勤勞無悞衛輝府知府張建德
老成歷練辦事勤謹知州管祥符縣事王士俊勤
幹有才實心任事河南府通判馬馴年富力强辦
事去得又臣標遊擊馬世龍料理事務不辭勞苦
以上五員仰乞

聖恩准臣帶往浙省分路賑恤庶任使得人則事有實
濟而無浮費災黎早受一日之惠則早慰

聖主宵旰之懷抑或於此五員中

恩賜二三員前往浙省委用總出

聖恩為此繕摺謹

旨謹

奏

有旨諭部矣浙豫兩省朕一視同仁浙江亦有特簡之
員儘堪驅策第目下賑恤一事需人頗多許汝帶三人
去事畢速令回任毋久羈留

雍正二年十月初四日署理浙江巡撫印務河南

巡撫臣石文焯謹

奏為謹陳沿海賑濟事宜恭慰

聖懷事竊臣於九月初三日自河南起程於十五日抵杭受事接准部咨欽奉

上諭著動倉庫錢糧速行賑濟仰見我

皇上睿慮周詳軫念災黎望賑孔迫惟恐耽延時日不能即沾實惠臣即飛飭沿海州縣確查被水災民

戶口一面委員前往監賑外臣查原報被水之仁

和等一十六縣并海寧衛所內有平湖奉化定海
嵎縣永嘉海寧衛所俱勘不成災止仁和等十一
縣各被災分數不等臣仰遵

諭旨惟期災民早沾實惠以上副

聖主勤恤民隱之至意竊查煮粥一事必須棚廠鍋碗

此論

甚是

桶杓柴薪等物浮費甚多弊端不一且小民日逐
赴廠食粥路有遠近不等男婦偕行攜男挈女更

多不便臣與布政使佟吉圖細加商酌照前煮粥

之數每大口日給穀四合小口日給穀二合賑給
九十日口糧有穀之處動穀給散無穀之處照時
價折銀給散各委大員以次賑完其平湖等五縣
海寧二衛所雖被災分數不符蠲免之例然水淹
之苦同一情形臣與佟吉圖酌給六十日此舉好口糧以
廣

皇恩俟散賑完日將動用過銀穀數目造冊

題報再查衝決塘堤已飭各地方官悉行修築以禦

此事

當再三斟酌以石易土所費不貲朕亦不惜第應

詢明

今歲海嘯情形若修砌石堤一勞即可永逸則速

議改

建假如勢小土堤亦可堵遏勢大雖石堤亦不能

抵敵

則何必曠日持久多為糜費也爾等干係甚巨亟

宜悉心籌畫

諭旨之件臣奉

命署理浙撫印務隨公同會審已畢例應安泰主稿列

斯係爾未任以前事也不應越俎爾列銜會奏即屬多

事不能見德於人而獲罪於朕可謂庸愚之至

奏臣即於十月初六日前往海寧一帶督察散賑查

奏臣即於十月初六日前往海寧一帶督察散賑查

奏臣即於十月初六日前往海寧一帶督察散賑查

勘海塘容

臣

旋署將應行事宜另摺具奏外理合

先行

奏明上慰

聖懷謹

奏

非過則不及率皆不合機宜

雍正二年十月十五日署理浙江巡撫印務河南

巡撫

臣

石文焯謹

奏為遵

旨覆奏事

臣蒙

聖恩命署浙撫印務抵任以來一面料理賑濟一面稽
核案牘查有十三案無著虧空共銀九萬二千餘
兩部限四年賠補此係前撫

臣屠沂

奏明各官公捐賠補之項每年需銀二萬三千餘兩
又額設戰船一百三十五隻部定小修大修拆造
各價不敷工料之用各有津貼每年約需銀一萬

餘兩又歲解部餉約費二萬餘兩以上各項并各衙門養廉規例皆出自州縣耗羨之內但浙省賦重耗輕向來總不及加一自黃叔琳到任陋規已盡革除復將火耗減至五六分以致種種公事皆屬無米之炊難以辦理因沽一己之清名坐致公務難辦實大負

皇上簡用之恩臣查豫省諸務所以辦理無悞者皆耗羨是賴雖浙省耗輕不可與豫省一例而論然舍

此而外並無可以設法辦公之項佟吉圖傳奉

皇上硃批諭旨著臣等細心籌畫而為之臣與佟吉圖
細加斟酌先於各州縣現徵錢糧內每兩量提火
耗二分以濟公用餘俟盡心竭力料理妥當上副
聖主體恤臣工之德意理合先行覆

奏伏祈

睿鑒謹

奏

火耗一項或以為養廉或以為公用總要酌量通融辦理妥當又不多取於民方為善於調劑今此奏是將重耗之舉卸責於朕斯豈臣下歸美於君上之道與且蓄既經奏明便可放膽施為之意如何使得此事另議具奏朕正於此處要看汝之底裏也

同日又

奏為請

旨事竊查南新北新兩關稅務經黃叔琳奏請以主事

張崇禮趙方觀二員分理均於雍正二年七月初三日受事咨部在案查管理稅務事關錢糧臣抵浙未幾各屬才守尚未周知不敢冒昧委管且張崇禮趙方觀受事三月以來臣細加察訪尚能循分供職應否暫令管理俟臣於屬官中遴有賢員再行具

題委管是否有當仰請

聖裁批示遵行謹

奏

稅務正宜用此二人管理倘有差錯不過以黃叔琳身
命徇之耳爾何為伊如此關心君臣之義朋友之情孰
輕孰重辨明要緊

雍正二年十月二十日署理浙江巡撫印務河南

巡撫

臣

石文焯謹

奏為據報

奏明事竊查浙省沿海地方田廬被淹我

皇上特諭賑濟被災乏食之民乃江浙民情刁詐每多棍徒把持捏名冒領反使實在災民不得入冊甚有地方官受其挾制瞻徇浮開以飽其欲據佟吉圖呈稱各屬造報男婦名口甚屬浮多在災黎亟當極恤然動用錢糧更宜慎重飛飭該縣逐戶再加確查等情臣復飭催委賑道府實力速行惟浙東之寧波紹興所屬更多刁徒以致確冊尚未核定臣查各處災民先經佟吉圖等捐貲分頭賑恤

因餘姚被災獨重恐前捐給未周又續發銀五千兩補賑此在未奉

上諭賑濟之前已經佟吉圖奏明在案慈谿與餘姚接壤後海二十八都民竈人等有應完場課例不蠲免因該縣比催輸納遂有棍徒希圖挾官停徵倡言餘姚先行賑過縣官領銀不給藉端鼓衆於十月十三日有數百人羣擁慈谿縣署關閉知縣陳淖文託稱患病並不出堂將情由明白曉諭安慰

候賑致被拆毀照牆暖閣打碎宅門寧波知府尚
瑤隨即會同城守遊擊康世爵馳往慈邑傳集民
竈撫諭給發食米令其各回候賑隨於十四日俱
各散歸臣據府縣詳報隨批布政司速飭查賑一
面取該縣職名報叅特是此等刁風急宜懲治若
不嚴拏棍徒究處以為因事鼓衆之戒無以綏輯
地方臣惟密訪確實姓名一俟賑畢即令按察司
密拏解究另

奏外所有慈民借端擁集情形理合先行奏

聞謹

奏

雖係棍徒藉端鼓衆亦未有散賑而不停徵之理此無能之縣令也如云場課不應停徵暫緩追呼以俟賑濟事畢便遲數月何妨此等劣員難勝親民之任斷不可留而倡首鼓衆者必素係地方積惡巨憝萬不可使其漏網當重懲以警不法

雍正二年十一月十五日署理浙江巡撫印務河

南巡撫

臣

石文焯謹

奏為奏

聞事竊查浙江沿海被水民人仰蒙

皇恩俱各得所江西湖廣平糶米石陸續運至今年秋
收又好民食可以無虞皆由我

皇上至仁育物膏澤覃敷之所致也再衝坍海塘所有
各處決口已經修築閉塞堵截鹹潮臣親歷查勘

知今年風潮甚大高過海塘是以衝決坍塌其勢最甚原屬僅見之事是以塘工不能捍禦臣查塘身應修之處分委大員丈估詳議土石塘工俱仍舊制興修土者將殘缺卑薄之處加築如舊石者將亂石理齊修砌堅固所需工料現在嚴行駁減務期節省錢糧毋致糜費至原係土塘請改石工之處臣審度形勢若改建石工果可長資捍禦臣皇上念切民生亦不惜數十萬金錢以為一勞永逸之

計但海潮勢大即石工亦難保無虞況需費浩繁
實不敢輕議舉行惟凜遵

聖訓悉心籌畫不敢一毫輕忽多費錢糧除應修海塘
俟核實工料另摺具

奏外為此先行陳明上慰

聖懷謹

奏

將爾前奏與此奏俱交與新任巡撫法海

諭法海知石文焯身為封疆大吏海塘為地方要務似此東說則東隨西說則西就全無一點主見朕亦實難決斷矣爾今與佟吉圖悉心訪詢加意籌畫務得準的具奏朕之前諭並非為錢糧起見蓋恐勞而無功徒費帑金以飽貪吏之腹耳若據伊此奏則前摺何所見而創改建石工之議豈不大相矛盾誠能一勞永逸朕何惜數十萬之費不令浙東億兆安枕也速速詳議奏聞

同日又

奏為恭報晚稻收成分數仰祈

聖鑒事竊浙省晚稻已經收穫查杭州嘉興金華衢州
嚴州等五府屬收成八分七分不等湖州紹興台
州温州處州等五府屬收成七分六分不等寧波
府屬收成六分五分不等闔省咸慶有秋而沿海
被水村莊仰荷

皇上發粟賑濟又蒙

特諭江西湖廣二省運米十六萬石至浙平糶窮民粒

食有賴山陬海澨共沐

恩膏咸歌

帝德臣謹將晚稻收成分數據實奏

聞上慰

聖懷謹

奏

浙省收成如此固好但爾率多依違具奏希圖迎合言不由中一事不可信則事事皆難信矣

雍正二年十二月初六日調補西安巡撫臣石文

焯謹

奏為恭請

陛見事竊臣一介庸愚恭逢

皇上御極之初蒙

恩召對屢承

訓旨諄切開導旋奉

恩綸補授河南巡撫撫豫以來凜遵

聖訓黽勉奉職但

臣才識短淺愆尤日積悉荷

深仁涵育曲賜保全

臣清夜捫心感深涕隕是
臣兩載

供職倖免隕越之虞者皆出自

皇上教誨裁成之恩也今奉

特旨調補西安巡撫犬馬依戀之誠亟思趨覲

天顏敬承

睿謨指示仰懇

皇上允准

陛見臣自浙起程謹於江南宿州地方恭候

俞旨一奉

恩命臣即星赴

闕廷跪聆


聖訓庶地方一切事宜皆知所遵循矣謹

奏

准爾來京陛見地方風景民間疾苦可以備悉敷陳爾
所奏一切事件朕亦便一一面諭也



殊批諭旨卷三十中



總校官庶吉士臣侍朝

校對官編修臣莫瞻菴

謄錄監生臣于世第

欽定四庫全書叢要

史部

硃批諭旨卷三十下

詳校官編修臣繆晉

欽定四庫全書薈要卷七千九百十八

史部

硃批諭旨卷三十下

硃批石文焯奏摺

雍正三年二月二十九日西安巡撫臣石文焯謹

奏為覆奏事竊臣於二月二十五日到任隨傳

諭旨與年羹堯伊敬聽凜惕感愧交并臣入陝境見一

路麥苗甚是暢茂地方寧謐民生樂業山西境內

自平陽以南麥苗亦好惟平陽以北微覺望雨

朕前亦聞之今已得雨矣臣

所屬吏治民生事宜容臣體訪次第舉行再四川夔州府被叅知府程如絲一案准部咨奉

旨著臣審擬據年羹堯面交

皇上硃筆諭旨硃批奏摺與臣看臣敬謹捧讀仰見我

皇上矜恤民命惟恐拖累多人不忍少有屈抑大公至

正天地為心臣一俟催提到日即當遵

此案爾東公審理鞠獄惟貴得情虛中如鑑則物形纖

旨速為完結上副

悉畢露矣

聖懷至臣蒙

聖恩賞給河南任內養廉銀兩臣於二月初四日自京起程由山西赴陝一面備具咨文傳

旨與田文鏡令臣三子石禮圖赴領茲准田文鏡回咨田文鏡已曾奏朕且代汝感激以臣咨文未用印信難以為憑尚未給發理合一

併

奏明伏乞

睿鑒謹

奏

覽

雍正三年五月初四日西安巡撫臣石文焯謹

奏為恭報麥收分數仰慰

聖懷事竊陝省地方一春雨水調勻二麥今已收穫查
西安府屬三十七州縣收成均有十分九分鳳翔
府屬州縣收成十分至八分不等漢中府屬州縣
收成八分七分不等延安府興安州所屬地方收
穫較遲尚未據報所有西鳳漢三府屬二麥豐收

分數理人先行奏

聞恭慰

聖懷謹

奏

秦人食用惟麥是賴今闔省豐收朕無西顧之憂矣真
可君臣相慶也

同日又

奏為恭謝

聖恩併陳下悃仰祈

睿鑒事竊

臣蒙

皇上畀以西陲重寄

臣聞

命感激已具疏奏謝

天恩惟是

臣愚拙無能不能勝此重任仰懇

皇上俯賜

訓旨俾

臣

一切知所遵循不致隕越貽羞一俟圖理琛

到陝

臣

即前赴新任但

臣

到任時據諾穆渾造送

交盤清楚冊結臣溯查西安藩庫從前交代雖經
據冊題報皆以歷年錢糧未經奏銷是以前撫臣
俱未盤查保題現在部駁查造案次款冊且西安
藩庫錢糧因值軍興頭緒繁多與別省正收正支
不同即如外捐銀兩有入交代不入交代之分臣
正在細加稽覈逐一駁查適奉調補甘肅之

命應俟圖理琛到陝清查接受將正署兩任收支錢糧
一併交代庶藩庫可以徹底清楚矣為此據實奏

明伏乞

聖鑒謹

奏

所奏知道了竭力為之諸凡惟絲毫無隱剖露忠誠乃人臣盡職報主之指南也

雍正三年五月十八日甘肅巡撫

臣

石文焯謹

奏為恭繳

硃批併陳謝悃事竊臣於河南巡撫任內有督催四案

部議罰俸悉蒙

聖恩寬免臣隨恭設香案望

闕叩頭謝

恩并具疏恭謝在案又臣奏河南常平倉穀冊一事欽

奉

硃批已諭怡親王矣隨將情由咨明戶部訖臣弟石文煬蒙

聖主格外殊恩棄瑕錄用感激思奮圖報

洪恩但臣弟石文煬間散十年舉止頗有此狀鄙仰蒙

聖鑒令臣教導臣已諄切寄信教以小心敬謹竭力辦
但囑伊務真實毋欺隱不必疑畏
事著實黽勉以上副

聖主拔用之深恩下盡人臣報效之微悃所有奉到

密諭事宜臣隨同岳鍾琪欽遵

聖旨會摺覆

已覽悉
奏蒙

皇上發下臣弟石文煬一摺奉

旨令岳鍾琪同臣詳議奏

聞亦經會議覆

奏外臣將巡撫印務交送圖理琛署理臣於十九日

起程前赴新任合併陳明謹

奏

甘肅自軍興以來屢年勞擾兵民疲困兼之西海初定
幾多創置事宜實此時巡撫中第一繁劇之任也汝莅
任後事事當悉心籌畫講求利弊必期行之永久無礙
然後次第措施慎厥終惟其始勉之勉之

雍正三年六月二十八日甘肅巡撫臣石文焯謹

奏為恭謝

天恩併繳

硃批事六月二十五日奉到

皇上硃批奏摺仰荷

天語垂問揣分難安臣舊欠官庫銀兩更荷

聖恩限二年完還又河南巡撫任內罰俸復邀寬免臣

恭設香案望

闕叩頭謝

恩訖臣弟石文煬深蒙

聖主教育隆恩臣時時寄信諄囑共竭忠藎以圖報稱

臣子石禮哈更荷

天恩顧復教以有成臣感戴之私實難宣之於口惟有
一片真誠竭力辦事纖毫無隱以求仰答

聖恩於萬一甘屬地方一切事宜正在悉心體察凜遵
聖訓籌畫萬全次第具

奏外謹將奉到

硃批一併封固呈繳伏祈

睿鑒謹

奏

有人叅石禮哈一摺發來汝看汝父子果能以孤介自
持任人詆訾朕自不為浮言所動但石禮哈朕因觀其
材質可取年正少壯故期望將來琢磨成器至其居心
立品朕亦何由洞悉譬如年羹堯朕未嘗不望其成千

秋不朽人物今敗露如此雖欲保全之豈可得乎石禮
哈若果鑽營不自安分從前妄行交接之處不知改悔
仍然庇黨徇私則朕又難符前諭也爾父子既有與年
羹堯交好一段形跡今汝膺甘撫之任正合洗滌一清
若少瞻顧欲為公私兩盡之舉處處巧留地步恐城門
之火殃及池魚將來貽累身家為禍不淺矣朕觀爾所
奏此數摺並無忠盡奮勉之誠大有畏難將就之意載
念君恩勗哉無負

同日又

奏為謹陳甘肅事宜仰祈

睿鑒事竊查甘肅所屬州縣衛所山多水少惟賴雨暘
時若田禾始獲收成且地氣寒冷播種穀麥較遲
於他省是以六月半間方收青稞豌豆六月底收
麥九月初收穀糜蕎麥臣入境一路查看田禾時
因天道少雨已覺乾旱六月初一日臣行次清家
驛得雨又初四日行次車道嶺得雨十九二十四

日大雨透足秋禾長發甚旺百姓安堵惟是甘屬
地方土瘠民貧當軍興之後官民兵丁種種疲困
情形悉在

聖明洞鑒之中幸舊年秋收頗好今歲夏禾已穫秋禾
轉瞬收成邇來閭閻大有起色但元氣未復亟須
拊循愛養苟牧令不得其人何能登斯民於衽席
無如甘屬吏治廢弛已久若不痛加整頓無以裨
益民生臣查平慶臨鞏四府所屬九州二十八縣

有繁簡之別現任各官頗有人地不相宜者而河西新改四府所屬一州十四縣銓選人員惟寧朔令李鉉人明白其餘俱屬平常已蒙

聖鑒無遺行令試看調補是邊疆新設重地尤須熟悉地方情形之員方能勝任而平慶臨鞏所屬官員亦須酌調繁簡甘屬共新舊十州四十二縣各官除庸劣之員查叅外其可用者或應酌調或改補教職容臣一一察考以定去留但一有缺出即須

委署以一人而兼兩邑彼此勢難兼顧恐致貽誤
地方臣為邊遠民生起見仰懇

皇上揀選人員發來補用庶可收得人之效矣再布隆
吉地方建城設鎮蓋造營房臣聞建城之處地土

鹹窪所蓋營房基址俱未堅實房屋間架既小木

植等料又甚苟簡今多有欹側傾圯者此案原係
是何言歟豈有顯然有弊而不能察出之理殊為懦怯
年羹堯經理之事臣衙門並無案卷可考但聞現

矣

在情形如此臣已檄飭肅州道胡仁治等前往查

勘明確詳議作何賠修俟至日定議奏

聞謹

奏

已揀選人員發往矣糧秀不除嘉苗不長年羹堯之逆
黨私人即一員亦不可姑容然其中或並非伊之鷹犬
爪牙將無干之人李代桃殭冤抑塞責則又大不可也
總之日久自明斷不能逃朕之鑒照戒之戒之

同日又

奏為恭報夏收分數仰慰

聖懷事竊甘肅地方豆麥已經收穫臣查甘涼二府屬

及肅州地方豆麥收成均有十分九分平慶臨鞏

四府屬收成八分至六分不等寧夏府屬八分七

分不等西寧府屬七分六分不等今於六月十九

二十四等日甘霖大沛十分透足遠近均沾秋禾

暢茂可望豐收糧食價值平減兵戢民安是皆仰

賴

聖主如天之福恩膏廣被之所致也再甘屬地處西北
山高氣寒每歲時有冰雹皆冷氣凝結而成臣向
在洮岷所稔知者今西寧平番二縣各報所轄境
內有數處村堡於六月初二初九等日落有冰雹
因山多於田禾苗受傷之處不多除批司委員踏
勘一面加意撫恤并飭緩徵外合併陳明伏乞

聖鑒謹

奏

邊省民生尤繫朕懷今收成如此遐方之部屋窮簷俱有起色殊慰厯念然封疆任重當思民生國計均屬緊要經理須各適其宜方為稱職爾第因時相機秉公持正而為之何慮庶務之不理也

大抵居官以廉之一字為根本凡食祿者俱當奉為主壁

茶馬事務亟宜察覈清楚

雍正三年七月二十四日甘肅巡撫臣石文焯謹

奏為庫項虛懸待補官役俸食難支謹備細

奏明事竊查甘省從前供應差使等項公費動用庫銀公捐還帑除已捐還外現在尚有未完銀二十九萬六千餘兩糧三萬七千餘石皆以甘屬文武各官俸工捐補文職自司道以下俸銀全捐武職自提鎮以至遊守俸銀並各役工食俱捐七留三年共應捐銀一萬八千四百七十四兩零計從前動用庫銀未還之數算至雍正二十年方得補

完是此項供應之費雖有捐補之名實係借動庫銀虛懸待補至十八九年之久而文武各官尚未能支食全俸仰惟我

皇上至聖至明以俸工為官吏養贍家口之資凡地方遇有公事請捐俸工之處永行停止行令各省督撫欽遵在案獨甘屬僻處邊陲地方寒苦而官役竟不得與各省一例沾

恩未為平允

臣受

恩深重仰體

皇上愛養臣工之至意有此下情何敢壅於

上聞為此據實陳明伏乞

聖鑒謹

奏

當日一切軍需無一不任意侵蝕而於庫帑亦任意那
借有是理乎若云為供應差使之費既係奉文差使豈
無定例即應按例以正項支給何至出自地方因地方

無項可支遂指俸工擅動庫帑迨庫帑頻那而俸工無
幾輾轉相因終成畫餅斯虧空如許之由來也此等人
員若不叅處示警國家錢糧任其濫用反開將來肆無
忌憚之端從前督撫恐招怨尤瞻徇情面令始作俑者
漏網免脫將無辜之人代為填補汝何故亦踵此陋習
捐助俸工萬不可行之事捐至武弁尤其不可舍此當
另行設法補苴或歷察經手之人叅奏以治其擅動之
罪否則將何辭以邀蠲免之恩宜熟籌深計而為之母

為人荷此重擔也

供應西藏買駝餒馬奏摺已發議政矣

雍正三年九月初一日甘肅巡撫臣石文焯謹

奏為恭謝

天恩兼陳愚悃事八月二十五日臣進摺人回齋捧

皇上賞鮮荔枝到蘭臣隨恭設香案望

闕叩頭謝

恩祇領訖臣跪讀

硃批諭旨知臣子石禮哈被人叅奏蒙

皇上格外寬容不即加以處分將原摺發去

恩加訓誨又以此摺發與臣看併奉

恩諭爾父子若能以孤介自持任人詆訾朕自不為浮
言所動臣捧讀之下感激涕零臣父子何人得邀

皇上顧復教誨有加無已雖肝腦塗地不足以言報稱
至所叅情事虛實具奏者既指摘鑿鑿臣實不敢
妄置一辭惟求

皇上嚴行查究如實則將石禮哈罷斥治罪以為負
恩不忠之戒臣父子均感沐

深恩於無既矣仰蒙

天語教訓臣從此益加奮勉以圖上副

聖懷并誠諭臣子石禮哈有過即當速改無則更加黽
勉總期無負

皇上天高地厚之恩是則臣犬馬之微忱也

天恩深重感戴難名謹繕摺恭

謝以攄下悃伏祈

聖鑒謹

奏

如此等奏不一而足若概行查究豈但有阻言路而亦不勝其煩朕皆明示本人又從而訓誨之或有或無已改未改其中真偽朕自能辨總之有則改之無則加勉二語包括盡矣朕非不容人遷善之主也

雍正三年十月初一日甘肅巡撫臣石文焯謹

奏為恭報甘屬秋收分數仰慰

聖懷事竊查甘屬河東河西八府地方氣候土宜各有
不同所種秋禾係穀子糜子燕麥蕎麥等項今年
仰賴

皇上福庇雨水十分霑足到處俱慶豐收臣查蘭州河
州蘭州衛河州衛歸德所收成俱有十分又臨洮
府屬其餘州縣收成八分七分不等平涼府屬十
州縣收成九分至七分不等慶陽府屬五州縣收

成八分至六分不等鞏昌府屬十七州縣收成十分至八分不等甘州府屬三縣收成九分至七分不等涼州府屬五縣西寧府屬二縣收成七分六分不等寧夏府屬五州縣收成九分至七分不等糧價平減戶慶盈寧兵民樂業皆由我

皇上敬

天勤民恩膏普被之所致也謹將秋收分數具

奏恭慰

聖懷謹

奏

通省豐收實慰朕懷惟以手加額為我邊氓慶幸也

同日又

奏為陳明各官養廉仰請

聖裁事竊臣未到任之前經署撫臣傅德議定以州縣

徵收錢糧耗羨為各官養廉臣查甘屬額徵地丁

銀二十六萬兩有奇糧四十九萬石有奇細查各

州縣衛所徵收耗羨約共四萬餘兩內布政司有
平規銀四千六百二十八兩以為養廉又奏銷造
冊等費一千二百兩臬司養廉并公費銀共二千
四百兩臣衙門筆帖式三員共銀九百兩除有稅
規之道府等官足資養廉槩不議給外其餘道府
各給養廉銀一千兩州縣酌給銀八百兩至五百
兩不等同知通判各給銀六百兩口內外衛所各
給銀四百兩以上道府廳州縣衛所各官共給養

廉銀二萬九千七百餘兩又布政司庫官庫吏等
項銀一千一百一十兩臣衙門書吏銀九百兩布
政司衙門書役銀一千二百兩連前通共需銀四
萬二千三十八兩又河西各州縣俱以耗糧為養
廉查甘屬應徵糧石耗羨通共計六萬三千餘石
酌給各道府廳州縣養廉及斗級書役工食折耗
等項共需糧三萬五千四百八十石每年約可餘
糧二萬七千餘石存貯以備公用再布政司養廉

尚有西寧稅規銀一千一百兩雜稅平規銀六千
餘兩臬司養廉尚有西寧稅規銀五百五十兩至
巡撫衙門養廉向有西寧靈州稅規銀各一千一
百兩又茶馬內有規例銀二萬四千兩經前撫臣
綽奇以二萬兩為軍需之用餘四千兩養廉再查
尚有隨封等項共銀一千九百二十兩又新增茶
引六千道有茶規銀六千兩以上共銀一萬四千
一百二十兩理合一併據實

奏明仰祈

聖恩敕示以便遵行理合繕摺請

旨謹

奏

嘗聞古帝王垂拱而天下治朕臨御萬方持其大綱而
已此等零分均派瑣屑之舉朕何與焉爾為封疆總領
一秉公清正直而酌劑之官弁兵民自有公論莫慮朕
之耳目遠而弗屆也善為之

同日又

奏為奏

聞事竊查駐防甲兵應支月餉原係計口授食例由布政司按月給發今寧夏將軍席伯副都統蘇圖以寧夏邊地寒冷甲兵預製皮衣遂檄令寧夏道董新策借支五個月餉銀共二萬六千八百四十兩該道以預借錢糧必須移司詳院等語呈覆而將軍席伯復行該道給發於九月二十九日移咨到

臣接閱之下不勝駭異伏查寧夏駐防官員在京預支二年俸銀於四年扣除完項奏請

聖恩奉有

俞旨戶部方敢支給從來未有徑自行文支給之例況非用兵緊要之際乃預借五個月之多臣實不敢擅給一面飛檄寧夏道飭查曾否給發另行具奏外理合抄錄原咨具摺奏

聞請

旨謹

奏

覽奏並咨稿武夫鹵莽不循成例殊為可笑爾查明此
項銀兩曾否給發若應奏効即行具疏董新策違例支
給一併題叅

雍正四年二月二十日甘肅巡撫臣石文焯謹

奏為恭繳

硃批仰祈

聖鑒事竊甘肅舉行社倉一事蒙

皇上批示凜遵

諭旨現在與督臣岳鍾琪商酌而行又臣奏請於寧夏

地方買貯米石督臣岳鍾琪已飭鞏昌布政司將

米價存剩銀內動支銀一十二萬兩分發寧夏等

六府委員協同地方官採買粟穀等項業經會疏

題明倘春間不能買足俟秋收後臣再酌量具

奏又噶世圖革職臣接准部咨知照並未令其回京

詎噶世圖竟於二月初一日自西寧起程移咨到

臣查噶世圖尚有未完事件臣已聲明咨部在案

合併

奏明所有節次奉到

硃批一併呈繳謹

奏

社倉積貯最為備荒善政兵民粒食宜於邊境先籌爾等當盡心經畫毋視為泛泛虛文也據奏噶世圖情由

已有旨諭部矣

雍正四年五月初一日甘肅巡撫臣石文焯謹

奏為恭繳

硃批叩懇

天恩俯

賜矜全事竊臣一介庸愚蒙

皇上委任邊疆重地抵任以來屢沐

聖慈格外

優恤是臣之受

恩深重莫可名言今噶世圖係革職追帑之人擅自起
行臣不能拘留

題叅甚為溺職蒙我

皇上洪恩不即罷斥發部議處臣自知罪莫可逭惟有
靜聽處分奚敢上瀆

宸聰因至今未准部咨臣實夙夜戰兢犬馬私情不能
自己為此具摺跪乞

皇恩恕臣愚昧倘得於無可寬宥之中俯

賜矜全則始終仰沐

聖主包涵之德益當倍加惕勵竭盡駑駘仰報

洪恩於生生世世矣所有奉到

硃批理合恭繳伏乞

睿鑒謹

奏

已有旨矣凡係此等跡涉黨與瞻徇私比之行爲欲望

朕從寬恩宥不可得也其他無心之過或可冀幸寬免
雍正四年五月十七日甘肅巡撫革職留任臣石

文焯謹

奏為恭謝

天恩瀝陳愚悃仰祈

睿鑒事竊照噶世圖係革職追帑之人臣不能拘留嚴

叅蒙

皇上發部議處今五月十三日接准部咨於四月初五

日蒙

皇上寬宥隆恩奉

旨石文焯著革職從寬留任効力行走臣跪讀

聖旨感激涕零隨恭設香案望

闕叩頭另疏謝

恩外伏念臣智慮未周措施不當溺職之罪誠難自逭

荷蒙

聖恩高厚曲

賜矜全舉家頂戴刻骨銘心自茲以往臣惟有倍竭愚誠勉奮駑駘以期無負職守但臣自顧庸陋之質惟有仰祈

聖主加恩

訓誨一一遵行庶幾幸免隕越藉以仰報

皇上洪恩於萬一耳臣不勝激切冀望之至為此具摺
恭謝

天恩伏乞

睿鑒謹

奏

自恃向來之摸稜伎倆但知有己而不知有君父大義以因循為安靜以賣法為寬仁將侵國帑剥民脂所獲之貲財以為夤緣鑽刺之費用此等行事欲望身家昌盛豈可得乎設有一實心為國家出力者則羣起而攻之反指為不近人情所以如爾等懦弱無能之輩以世情如何認得真一句奉為妙訣隨波逐流俯仰數年將

就亦獲陞遷遂自以為得計殊不知默默中已造無窮
罪業也如循此等陋習欲於朕前逞其故智以冀保全
祿位斷然不能自朕御極以來譽揚爾者甚多排陷石
禮哈者甚衆至今誰能助爾孰能害及石禮哈就爾父
子二人言之亦當曉然明白若仍執迷不悟以為己之
所行乃悠久安全之術石禮哈之作為究係危殆之道
恐將來到水窮山盡處悔之亦不及矣朕所訓誨之旨
一句未嘗遵奉不端本而逐末何能除却病根不於立

心處推究祇在逐件事情上揣摩豈能於萬事萬理周旋得當耶朕實垂念爾子石禮哈之實心効力所以推恩於爾從輕發放也勉之慎之

雍正四年七月初三日甘肅巡撫革職留任臣石

文焯謹

奏為疊蒙

恩宥感激難名恭陳謝悃事竊臣署理浙江巡撫印務為賑濟事部議以平湖等五縣海寧二衛所不行

題報遽爾發賑照例革任蒙

聖主天恩特降

諭旨石文焯從寬免革任欽此

臣聞

命之下惶恐無地竊念賑濟一事動關倉庫錢糧平湖等五縣海寧二衛所被災分數與例未符

臣酌給

六十日口糧雖經具摺

奏明奈臣一時愚昧未經具本

題報臣罪誠無可逭荷蒙

聖恩特賜寬宥此誠

天高地厚之恩感激私忱淪肌浹髓惟有益加謹凜盡
心竭力以酬

覆載生成之德於萬一耳為此繕摺恭謝

天恩謹

奏

爾在浙江署事豈止此違例疎忽之罪有益於國計民
生者曾做一事否捫心自問寧不赧然

同日又

奏為恭報夏收分數仰祈

睿鑒事竊甘屬於五月以前各府俱得時雨豆麥已經
收穫臣查臨洮鞏昌寧夏三府屬及肅州地方收
成有十分至八分不等甘州涼州二府屬八分七
分不等西寧平涼慶陽三府屬七分六分不等所
有夏收分數謹具摺奏

聞再查六月以來各府間有缺雨之州縣如臨洮屬之

蘭州平涼屬之固原州鹽茶廳鞏昌屬之安定縣
會寧縣靖遠廳慶陽屬之安化縣並慶陽衛目下
秋禾望雨甚殷臣現在虔誠祈禱并飭地方官一
體祈禱甘霖外理合一併奏

聞謹

奏

從來人事失於下則譴告見於上汝等督撫分閫一方
所繫匪輕若遇旱澇等災不知返躬思過徒事祈禱虛

文於感應之理恐有未協朕亦惟朝夕乾乾竭誠省咎
不以修己格

天之道獨責之於汝等也

雍正四年七月十三日甘肅巡撫革職留任臣石
文焯謹

奏為甘霖大沛仰慰

聖懷事竊臣於七月初三日將秋禾望雨甚殷具摺奏
聞隨於初四日酉時得雨復於初十日起至十一日止

霖雨普降臣差員四郊查看報稱俱各霑足又據
臨洮鞏昌二府各報所屬俱已霑足至慶陽平涼
等府距蘭稍遠尚未報齊秋禾得雨淳然興起將
來可望豐收此皆我

皇上至誠感格之所致也臣不勝歡欣抃舞為此繕摺
奏

聞謹

奏

禾稼須雨澤均勻滋長茂盛方期大有經此一旱之後
不無焦損何言可望豐收似此粉飾之詞朕殊不入耳
也

雍正四年九月二十日甘肅巡撫

臣

石文焯謹

奏為據實奏

聞事竊查布政使鍾保奉

旨辦理寧夏駐防官兵糧草一案鍾保親詣寧夏料理
回蘭據稱寧夏年豐歲稔秋禾正在登場糧草易

於購買現在料理支放等語臣於七月十八日
忽接寧夏將軍席伯等咨稱官兵糧草不能按月
關支臣不勝駭異即於是日嚴飭鍾保星夜復往
寧夏責令速為辦足支給如不能辦理妥協即當
另疏指叅合先據實奏

聞謹

奏

防禦官兵糧餉甚屬緊要關支豈容遲滯當嚴飭料理

母悞

卜瑗乃一中材老成人耳非肆應才也如有不相宜處
母令貽悞地方

雍正四年九月二十二日甘肅巡撫臣石文焯謹

奏為恭報秋禾豐稔仰慰

聖懷事竊查甘屬八府今年夏田成熟分數經臣具摺

奏明今仰賴

皇上洪福齊天河水充盈秋雨霑足各屬俱慶豐穰臣

查臨洮府屬之河州河州衛蘭州衛鞏昌府屬之隴西縣寧遠縣岷州衛甘州府屬之張掖縣高臺縣收成俱報十分臨洮府屬之狄道等四縣鞏昌府屬之秦州等十五州縣甘州府屬之山丹縣以及平涼府屬之十州縣慶陽府屬之五州縣涼州府屬之五縣寧夏府屬之五州縣西寧府屬之二縣收成俱報九分至六分不等惟據寧夏府屬之寧夏寧朔二縣鞏昌府屬之安定一縣報有冰雹

已經飭委該道府等踏勘情形查明傷損田禾之
民人加意撫恤其餘咸慶豐收糧價平減婦子盈
寧皆由我

皇上保民若赤恩膏普被之所致也謹將秋成分數繕
摺具

奏恭慰

聖懷謹

奏

天居高而聽卑今歲收成未必非因爾懺悔之所致也一念之誠

天心轉移如此其速思之能不凜然爾等封疆大吏關係綦重勉之慎之

鼓鑄一事朕詳細酌定後另行諭知據前奏因私錢一時不能禁絕欲開爐改鑄制錢即以所鑄制錢再行換取私錢此是或一道但恐收燬之私錢銅斤無幾未必能敷新鑄之用耳既如此小錢之禁不可急驟暫緩候

旨密之

雍正四年十一月二十六日甘肅巡撫臣石文焯

謹

奏為恭繳

硃批仰祈

睿鑒事寧夏官兵糧草一事臣前飭令布政使鍾保往

寧查放嗣據寧夏將軍臣席伯等咨覆云八九十

等月草料俱已支給無悞至鼓鑄一事仰蒙

皇上批示臣惟聽候

諭旨遵行小錢之禁蒙

諭暫緩臣謹當慎密不敢急驟致有貽誤之處所有奉
到

硃批理合恭繳謹

奏

禁止私錢一事果如所議錢法既清而民用亦裕區畫
甚屬妥協彼時朕慮未周詳故諭暫緩今已准部議矣

雍正五年二月二十五日甘肅巡撫臣石文焯謹
奏為

聖主之恩膏疊沛微臣之感激靡涯敬陳下悃恭謝
天恩事正月初六日臣齎摺人回捧到

皇上恩賜

御書福字一幅湯羊一隻臣謹望

闕叩頭恭謝

天恩臣自顧何人疊蒙

寵賜荷

聖恩之高厚懼報稱之尤難惟有朝夕兢兢矢勤矢慎

以仰酬

聖德於萬一耳臣不勝感激敬惕之至謹

奏

覽卿奏謝知道了程如絲夔州慘傷私商一案汝前番
審鞫大有不協之處今另行查審或著汝赴川亦未可
定不必驚惶朕諒汝彼時原有許多不得已處雖然終

受軟懦依違之累有失公正剛方之體不合為蔡珽所欺又欲避年羹堯向日之形迹未免傳會其間今恐逃坑復落塹矣總之秉心公正可以對

天地神明而不愧乃為人臣之第一要訣除此別無巧法愚人每多不解更不能信之真而守之固也殊可歎息
雍正五年閏三月初八日甘肅巡撫臣石文焯謹
奏為奏

聞事竊招民一案前據布政使鍾保呈報各屬招獲一

千五百五十八戶經臣於二月內具摺奏

聞嗣據鍾保呈稱此案係奉

旨俞允之件自應如期發往趁時播種是以催令各屬
速為招足今據各屬呈報前來前後共計招獲二
千一百四十八戶已起程者一千六百四十九戶
未起程者尚有四百九十九戶等語但臣近又訪
聞得沙州開渠事宜尚未就理今招就戶口起程
前往而渠道未開今歲萬一不能耕種抑或耕種

太遲萬一不能收穫八月以後停給口糧窮民無以餬口務期安插善全方可不致失所臣隨咨商督臣岳鍾琪續准督臣咨稱有從前官兵在沙州等處屯墾已熟之地畝萬一渠道開濬稍遲則此項屯田俱令招民耕種統俟渠道開成於明歲再行移住沙州未始不可已檄委守備高勉等就近勘明屯田實有多少渠道曾否開就令其飛報倘渠道未開地畝有限則將已招戶口先遣往八九

百戶令其及時播種其餘戶口俟渠道開成明歲出口亦未為不可等語咨覆到臣但臣查已經起程之戶口俱在未准督臣咨覆之先呈報起程勢難追回除一面行令布政司速飭各屬將未經起身之民戶暫行停止外其已經起程者查有漢興道尤汶甘山道馮敬玉在沙州估計城工事宜臣飛飭該道等務令安插得所在案所有招獲并已經起程戶口數目理合奏

聞謹

奏

此等無業窮民豈樂於離鄉背井遠赴沙塞蓋亦因貧起見故爾就招自應預為開成渠道指定田畝令伊等到彼無業而有業方為妥協凡事豫則立今據爾所奏辦理殊覺遲悞矣

雍正五年九月初一日甘肅巡撫臣石文焯謹奏為恭謝

天恩事竊臣前審理程如絲一案實因愚昧無知致多錯誤自奉

命入川以後愧懼交集寢食不寧冒昧具摺認罪聽候處分今於八月二十七日准督臣岳鍾琪咨開准吏部咨稱七月十七日奉

旨石文焯審理程如絲一案甚屬錯誤今雖陳辯認罪總不出朕從前所降諭旨之外石文焯畏縮因循素性如此但其為人居官小心謹慎伊子石禮哈實能

盡心辦事石文焯著從寬免其處分准回甘肅原任
其俸祿永行停止嗣後當痛改前非黽勉効力倘仍
蹈故轍定從重治罪欽此移咨到臣捧讀之下惶悚
無地感激涕零伏念臣畏縮因循習焉罔覺蒙

聖訓指示深悟前非此後當時時儆省念念提撕痛改
已往之愆尤力圖犬馬之報效臣惟有與臣子石
禮哈共相黽勉殫竭心力以期仰報

天恩於萬一謹望

闕叩頭謝


恩臣於九月初一日自川起身回任謹

奏

知既往之非改切己之過乃凡聖樞機理欲關鍵莫視
為易事諺云秉性難移又云熟處難忘且人苦不自知
而下愚不移所以知非改過四字非有本領有力量大
聰明大福德人斷然不能果欲真心改過須徹底掀翻
痛自克責一洗其舊染之污更加時時精進力行不倦

功夫到處方有效驗豈泛泛徒修邊幅假捏虛飾甚至
陽奉陰違欺天誑人而苟且自恕以為改革也若此正
所謂文過遂非久之反致敗德債事為害更重耳戒之
勉之

殊批諭旨卷三十下



總校官庶吉士臣侍朝

校對官編修臣莫瞻菴

謄錄監生臣于世第